



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-17260-1-2.2./2025

Datum: 24.09.2025. godine

Mjesto: Sarajevo

Na osnovu člana 70. stav (4), a u vezi sa članom 69. stav 3) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 58. Statuta Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo ("Službene novine FBiH", broj: 27/06, 5/08, 49/08, 57/09, 59/11, 92/12, 58/15, 24/17 i 68/22), člana 3. stav 3 i člana 5. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine, Uprava Društva na 54. sjednici, održanoj dana 24.09.2025. godine, donijela je:

O D L U K U
o otkazivanju postupka javne nabavke

I

Otkazuje se postupak javne nabavke usluga – Revizija finansijskih izvještaja za 2024. godinu, za potrebe JP ŽFBiH d.o.o. Sarajevo, tender broj: UD-3198-1./2025.

II

Postupak se otkazuje na osnovu člana 69. stav 3) Zakona o javnim nabavkama ("Službeni glasnik BiH" broj: 39/14, 59/22 i 50/24), odnosno iz dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-2343-1-11.7./2025 od 13.02.2025. godine odobrila pokretanje postupka putem konkurentskog zahtjeva za dostavu ponuda za javnu nabavku usluga - Revizija finansijskih izvještaja za 2024. godinu, za potrebe JP ŽFBiH d.o.o. Sarajevo, tender broj: UD-3198-1./2025.

Obavještenje o nabavci je objavljeno na portalu javnih nabavki dana 26.02.2025. godine pod brojem: 1050-7-2-36-3-28/25. Sažetak obavještenja o nabavci objavljen je u „Sl. glasniku BiH“ broj: 12/2025 od 28.02.2025. godine.

Rješenjem Predsjednika Uprave - Generalnog direktora, broj: 1-3952-1/2025 od 18.02.2025. godine, imenovana je Komisija za nabavke (u daljem tekstu: Komisija) koja je provela postupak javne nabavke, u sljedećem sastavu: Maja Deljković Zubčević – predsjedavajući - Službenik za javne nabavke, Mirza Ramić – član i Harijeta Kujović – zamjenik člana. Sekretar Komisije je Edina Karić.

Na osnovu člana 63. Zakona o javnim nabavkama ("Službeni glasnik BiH", broj: 39/14, 59/22 i 50/24) (u daljem tekstu: Zakon), Komisija je dana 11.03.2025. godine u 13:00 sati, izvršila javno otvaranje ponuda. Do roka određenog za prijem ponuda, blagovremeno su zaprimljene 3 (tri) ponude i to:

1. Ponuda ponuđača **GRANT THORNTON d.o.o. Banja Luka** koji je ponudio sljedeće:

- Cijenu – 12.000,00 KM bez PDV-a, odnosno 14.040,00 KM sa PDV-om,
- Uslovi i način plaćanja - 60 dana od dana dostavljanja fakture za izvršenu uslugu,
- Rok za analizu (prikupljanje podataka) – 7 dana od dana prijema narudžbenice,
- Rok za dostavljanje finalnog izvještaja – 5 dana računajući od zadnjeg dana za analizu.

2. Ponuda ponuđača **ORECONS & AUDIT d.o.o. Zenica** koji je ponudio sljedeće:

- Cijenu – 12.000,00 KM bez PDV-a, odnosno 14.040,00 KM sa PDV-om,
- Uslovi i način plaćanja - 60 dana od dana dostavljanja fakture za izvršenu uslugu,
- Rok za analizu (prikupljanje podataka) – 7 dana od dana prijema narudžbenice,
- Rok za dostavljanje finalnog izvještaja – 5 dana računajući od zadnjeg dana za analizu.

3. Ponuda ponuđača **UHY REVIDENT d.o.o. Mostar** koji je ponudio sljedeće:

- Cijenu – 12.000,00 KM bez PDV-a, odnosno 14.040,00 KM sa PDV-om,
- Uslovi i način plaćanja - 60 dana od dana dostavljanja fakture za izvršenu uslugu,
- Rok za analizu (prikupljanje podataka) – 7 dana od dana prijema narudžbenice,
- Rok za dostavljanje finalnog izvještaja – 5 dana računajući od zadnjeg dana za analizu.

Komisija je prvobitno pristupila pregledu i ocjeni pristiglih ponuda, te konstatovala sljedeće:

Ponuda ponuđača **GRANT THORNTON d.o.o. Banja Luka** je ocijenjena kao neprihvatljiva na osnovu člana 2. stav 1) tačka 1) pod 2) Zakona, iz sljedećeg razloga:

Ponuđač nije dostavio dokaz iz tačke 2.5.1.2. pod 1.) tenderske dokumentacije, gdje je zahtijevano da je ponuđač dužan imenovati sastav tima (timova) koji bi izvodio reviziju i dostaviti sljedeće: Ponuđač u svom timu mora imati najmanje dva ovlaštena revizora, a kao dokaz dužan je dostaviti kopije ugovora o radu ili djelu koje su ovjerene od strane nadležnog organa. Konkretno u ponudi su dostavljeni ugovori u neovjerenoj kopiji.

Ponuda se odbacuje u skladu sa članom 68. tačka (4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Ponuda ponuđača **ORECONS & AUDIT d.o.o. Zenica** je ocijenjena kao prihvatljiva na osnovu člana 2. stav (1) tačka 1) pod 1) Zakona, jer ponuđač ispunjava sve kriterije za izbor najpovoljnije ponude iz tenderske dokumentacije.

Ponuda ponuđača **UHY REVIDENT d.o.o. Mostar** je ocijenjena kao neprihvatljiva na osnovu člana 2. stav 1) tačka 1) pod 2) Zakona, iz sljedećeg razloga:

Ponudač je u skladu sa tačkom 2.5.1.2. pod 3.) tenderske dokumentacije dostavio biografiju (CV) uposlenika koji su navedeni u sastavu tima za izvođenje revizije, gdje je zahtijevano da ista bude lično potpisana. Na osnovu dostavljene dokumentacije se ne može utvrditi ko je potpisnik na biografiji revizora Boža Vukoje, posebno uzimajući u obzir i potpis dotičnog na dostavljenom ugovoru sa stranice 36 ponude.

U skladu sa navedenim, Komisija je prvobitno utvrdila da su ispunjeni zakonski uslovi za nastavak postupka i dodjelu ugovora, te je dala p r e p o r u k u Upravi Društva za donošenje Odluke o izboru najpovoljnijeg ponuđača, uz predhodnu saglasnost Odbora za reviziju o imenovanju vanjskog revizora, kojom se Ugovor za javnu nabavku usluga - Revizija finansijskih izvještaja za 2024. godinu, za potrebe JP ŽFBiH d.o.o. Sarajevo, tender broj: UD-3198-1./2025, dodjeljuje ponuđaču ORECONS & AUDIT d.o.o. Zenica, u ukupnom iznosu od 12.000,00 KM bez PDV-a, odnosno 14.040,00 KM sa PDV-om.

Preporuka za dodjelu ugovora je data u skladu sa članom 64. stav (1) tačka a) Zakona o javnim nabavkama, tj. u skladu sa kriterijem ekonomski najpovoljnije ponude.

Uprava Društva je prihvatila preporuku Komisije, te je na svojoj 25. sjednici održanoj dana 23.04.2025. godine donijela Odluku o izboru najpovoljnijeg ponuđača broj: UD-8666-1-5.4./2025 od 23.04.2025. godine. Ugovorni organ je Obavještenjem broj: 1-8923-1/2025 od 24.04.2025. godine obavijestio učesnike u postupku o ishodu postupka.

Po zaprimanju obavještenja ponuđač UHY Revident d.o.o. Mostar (u daljem tekstu Žalilac), je u zakonski ostavljenom roku uložio Ugovornom organu žalbu na predmetnu Odluku o izboru najpovoljnijeg ponuđača.

Po zaprimanju žalbe, ugovorni organ je u skladu sa članom 110. Zakona odgodio nastavak predmetnog postupka javne nabavke do donošenja odluke Ureda za razmatranje žalbi, putem obavijesti broj: 1-9629-1/2025 od 09.05.2025. godine.

U skladu sa članom 100. Zakona, Ugovorni organ je utvrdio da je žalba blagovremena, dopuštena, uredna i izjavljena od ovlaštenog lica i lica koje ima aktivnu legitimaciju.

Ugovorni organ je u zakonski ostavljenom roku dostavio Izjašnjenje na navode žalbe broj: 1-9837-1/2025 od 13.05.2025. godine, kao i kompletnu dokumentaciju vezanu za postupak javne nabavke usluga – Revizija finansijskih izvještaja za 2024. godinu, za potrebe JP ŽFBiH d.o.o. Sarajevo, tender broj: UD-3198-1./2025 Uredu za razmatranje žalbi na odlučivanje.

Dana 01.09.2025. godine Ugovorni organ je zaprimio Rješenje Ureda za razmatranje žalbi broj: JN2-03-07-1-751-6/25 od 20.08.2025. godine kojim predmetnu žalbu ponuđača UHY Revident d.o.o. Mostar usvaja i poništava Odluku o izboru najpovoljnijeg ponuđača broj: UD-8666-1-5.4./2025 od 23.04.2025. godine, te predmet vraća ugovornom organu na ponovni postupak.

Komisija je na svom ponovnom zasijedanju, postupajući u skladu sa Rješenjem Ureda za razmatranje žalbi konstatovala da je ponuda ponuđača UHY Revident d.o.o. Mostar prihvatljiva. Nakon izvršenog rangiranja prihvatljivih ponuda kroz priloženu bodovnu listu, Komisija je utvrdila da su u predmetnom postupku dostavljene dvije ekonomski najpovoljnije ponude sa identičnom cijenom i određenim podkriterijem definisanim tenderskom dokumenacijom, usljed čega nije moguće izvršiti dodjelu ugovora. Slijedom navedenog, Komisija je zaključila da se predmetni postupak otkazuje na osnovu člana 69. stav 3) Zakona o javnim nabavkama.

U skladu sa navedenim, Komisija je konstatovala da nisu ispunjeni zakonski uslovi za nastavak postupka nabavke i zaključenje ugovora, te dala p r e p o r u k u Upravi Društva za donošenje odluke o otkazivanju predmetnog postupka javne nabavke u skladu sa članom 69. stav (3) Zakona, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Uprava Društva je prihvatila preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 5 (pet) dana od dana prijema iste, a u skladu sa članom 99. i 101. Zakona.

Dostaviti:

- Pravni i kadrovski poslovi,
- Sektor plana, analize i raspoređivanja prihoda,
- Sektor za nabavke i prodaju/x2,
- Ponuđačima/x3,
- Uz Zapisnik,
- a/a.



Predsjednik Uprave – Generalnog direktora

Mirza Hadžibegić, dipl.ecc.

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.